



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ ՆԱԽԱՐԱՐ
Ռ. ՊԵՏՐՈՍՅԱՆ

« 15 » 01 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0 0 0 8 - 2 1

Ձեռնարկողը՝

«ՄԵՐ ՔԱՐԵՐ» ՍՊԸ

գ. Գեղիովիտ, 5-րդ փողոց, 10 նրբ. 5/10

Գործունեությունը՝ Մարտունու բազալտների հանքավայրի /1-A բլոկ/
օգտակար հանածոյի արդյունահանման շրջակա
միջավայրի վրա ազդեցության գնահատման
հաշվեկտրություն
Գեղարքունիքի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Գ. Գևորգյան

ՊԵՏԱԿԱՆ ՓՈՐՁԱՔՆՆԱԿԱՆ ԷԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

թիվ ԲՓ 0 0 0 8 - 2 1
< 15 > 01 2021թ.

**Գեղարքունիքի մարզի Մարտունու բազալտների հանքավայրի /1-A բլոկ/
օգտակար հանածոյի արդյունահանման աշխատանքների շրջակա միջավայրի վրա
ազդեցության գնահատման հաշվետվություն**

Ձեռնարկող՝

«Մեր քարեր» ՍՊԸ

Փաստաթղթի տեսակը՝

Շրջակա միջավայրի վրա ազդեցության
գնահատման հաշվետվություն /ՇՄԱԳ/
/Ա կատեգորիա/

Տեղադրման վայրը՝

Գեղարքունիքի մարզ, Գեղիովիտ համայնք

Ներածական մաս. «Մեր քարեր» ՍՊ ընկերության կողմից /այսուհետ՝
Ընկերություն/ նախատեսվում է Մարտունու բազալտների հանքավայրի /1-A բլոկ/
արդյունահանման աշխատանքներ, որի նախագիծը մշակվել է Ընկերության
տեխնիկական առաջադրանքի հիման վրա:

Համաձայն «Շրջակա միջավայրի վրա ազդեցության գնահատման և
փորձաքննության մասին» ՀՀ օրենքի 14-րդ հոդվածի, 4-րդ մասի, 2)-րդ կետի գ.
ենթակետի՝ Մարտունու բազալտների հանքավայրի /1-A բլոկ/ արդյունահանումը
դասակարգվում է «Ա» կատեգորիայի գործունեության տեսակների ցանկում:

Նկարագրական մաս. Մարտունու բազալտների հանքավայրը գտնվում է
Գեղամա և Վարդենիսի հրաբխային լեռնաշղթաների միացման մասում, մեղմ
թեքություններով սարահարթի վրա, Արգիճի և Մարտունի գետերի միջագետքում /
համապատասխանաբար՝ Արգիճի գետից 0.47կմ իսկ Մարտունի գետից 1.5կմ
հեռավորությունների վրա/: Հանքավայրի բացարձակ նիշերը տատանվում են 2140մ-ից
մինչև 2190մ-ի սահմաններում: Ընկերության կողմից նախագծված բացահանքը
գտնվում է հանքավայրի հարավային մասում, Գեղարքունիքի մարզի Գեղիովիտ
համայնքի վարչական սահմաններում, համայնքից 0.96կմ հարավ-արևմուտք
ուղղությամբ: Արդյունահանման աշխատանքները կազմակերպելու համար
օգտագործվելու է գոյություն ունեցող ճանապարհները, որոնք բարվոք վիճակում են:

ՀՀ Գեղարքունիքի մարզի Մարտունու բազալտների հանքավայրի պաշարները՝ A,
B և C, կարգերով, համապատասխանաբար՝ 845.0հազ.մ³, 2687.0հազ.մ³ և
3005.0հազ.մ³ քանակներով, 1967 թվականի հունվարի 1-ի դրությամբ հաստատվել են
ԽՍՀՄ ՊՊՀ-ի 1967թվականի ապրիլի 29-ի N 162 արձանագրությամբ: Բլոկի նկարը



լեռնային ապարներից կազմում է 34%: Օգտակար հանածոն պիտանի է օգտագործելու որպես հումք՝ երեսապատման քարերի, շինարարական քարի արտադրության և այլ արտադրանքի ստացման համար: Ընկերության կողմից նախատեսում է հաստատված պաշարների եզրագծի հարավային հատվածում, Մարտունու բազալտների հանքավայրի 1-A բլոկից արդյունահանել օգտակար հանածո: Նախագծված բացահանքի դաշտի օտարման տարածքը կազմում է 4.14 հա, որում ընդգրկված մարվող պաշարների քանակը A կարգով կազմում է 623.6հազ.մ³, իսկ կորզվող պաշարների քանակը՝ 552.4 հազ.մ³: Բացահանքի տարեկան արտադրողականությունը հաշվարկված է ըստ մարվող պաշարի՝ 12472մ³, ըստ կորզվող պաշարի՝ 11048մ³: Բացահանքի ծառայման ժամկետն ընդունված է 50 տարի: Նախագծված բացահանքի ծայրակետերի կոորդինատները ARM WGS-84 համակարգով հսկային են.

$$1. y = 8523035, \quad x = 4438778$$

$$3. y = 8523186, \quad x = 4438921$$

$$2. y = 8522934, \quad x = 4438918$$

$$4. y = 8523360, \quad x = 4438773$$

Հանքավայրը ծածկող երեսաշերտը ներկայացված են հողաբուսական շերտով (0.31մ հզորությամբ) և այլովիալ-դեյուվիալ բերվածքներով (մոտ 1.3մ հզորությամբ գլաքարավազային, գլաքարային, ավազակավային և ջարդոտված հողմնահարված բազալտների կտորներով): Պայմանավորված ապարների բարձր ջրաթափանցելիությամբ բացահանք ներթափանցող մթնոլորտային տեղումները հեշտությամբ կարող են ենթարկվել բնական դրենաժի: Ելնելով հանքավայրի տեղադիրքից, հանքամարմնի տեղադրման պարամետրերից, մակաբացման ապարների ոչ մեծ հզորություններից և հիդրոերկրաբանական պայմաններից, հանքավայրի մշակումը նախատեսվում է բաց լեռնային աշխատանքներով՝ կիրառելով հորատասեսային եղանակ: Հանքավայրի մշակման համար ընտրված է ընդլայնական մեկ կողանի մշակման համակարգ՝ մակաբացման ապարներն արտաքին լցակույտ տեղափոխելով:

Մինչև օգտակար հանածոյի արդյունահանման աշխատանքների սկսելը, ծածկող մակաբացման ապարների շերտը բուլդոզերով հավաքվում և ավտոինքնաթափով տեղափոխվում է բացահանքի հյուսիս արևելյան մասում ձևավորվող ժամանակավոր լցակույտեր և առանձին-առանձին պահեստավորվում են N1 և N2 լցակույտերում: N1 լցակույտը հողաբուսական շերտի լցակույտն է, իսկ N2-ը՝ այլովիալ-դեյուվիալ առաջացումների լցակույտն է (գլաքարավազային, գլաքարային, ավազակավային նյութերով և ջարդոտված հողմնահարված բազալտների կտորներով): Ընկերության կողմից շահագործվող բացահանքը վերջնական դիրքում բնութագրվում է հետևյալ պարամետրերով.

- Ամենամեծ երկարություն – 332մ,
- Ամենամեծ լայնություն – 218մ,
- Մակաբացման ապարների միջին հզորություն – 1.61մ,
- Օգտակար հանածոյի ամենամեծ հզորություն – 34.5մ,
- Օգտակար հանածոյի հաշվեկշռային պաշարների քանակ՝ - 623.6հազ.մ³,
- Արդյունահանվող պաշարների քանակ՝ - 552.4հազ.մ³,
- Մակաբացման ապարների քանակ – 66.9հազ.մ³:





Բացահանքի ջրամատակարարումը նախատեսված է աշխատողներին խմելու ջրով ապահովելու, ինչպես նաև աշխատանքային հրապարակները, լցակույտերը և ավտոճանապարհները փոշենստեցման նպատակով ջրելու համար: Բացահանքում տեխնիկական և խմելու նպատակներով ջուրը կբերվի ջրատար մեքենաներով՝ պայմանագրային հիմունքներով: Կենցաղային կեղտաջրերը կհեռացվեն անջրթափանց հոր, որը սահմանված կարգով կդատարկվի:

Հանքավայրի շահագործման ընթացքում մթնոլորտ արտանետվող վնասակար գազերի և փոշու աղբյուր են հանդիսանում բացահանքը, տեխնիկական և տրանսպորտային միջոցները, լցակույտերը: Օդային ավազան արտանետվող վնասակար նյութերն են՝ անօրգանական փոշին, ազոտի և ածխածնի օքսիդները, ածխաջրածինները, պինդ մասնիկները (մուր): ՇՄԱԳ հաշվետվությունում հաշվարկվել են արտանետումների քանակները: Արտանետումների ազդեցությունը գնահատելու համար կատարվել է դրանց ցրման արդյունքում սպասվող գետնամերձ կոնցենտրացիաների հաշվարկ /“էռա” (“Эра”) համակարգչային ծրագրով/: Համաձայն հաշվարկների արդյունքների արտանետվող նյութերի գետնամերձ կոնցենտրացիաների առավելագույն արժեքները /հաշվի առնելով նաև ֆոնային ցուցանիշները/, չեն գերազանցում սահմանված ՄԹԿ-ը:

Բացահանքի լեռնակապիտալ աշխատանքների և շահագործման ընթացքում շրջակա միջավայրի վրա բացասական ազդեցությունները կանխարգելելու և մեղմելու նպատակով մշակվել են բնապահպանական միջոցառումների ծրագիր ուղղված՝ մթնոլորտային օդի, հողային, ջրային ռեսուրսների, կենսաբազմազանության պահպանությանը, այդ թվում՝

- փոշենստեցման նպատակով փոշեառաջացման օջախների (աշխատանքային հրապարակներ, հանքախորշեր, լցակույտեր, մուտքային և դեպի լցակույտեր տանող ավտոճանապարհ) ինտենսիվ ջրում տարվա չոր և շոգ եղանակներին,
- տեխնիկատրանսպորտային միջոցների աշխատանքի ապահովում ձայնախլացուցիչ սարքավորումներով՝ աղմուկի մակադակի նվազեցման նպատակով,
- տեխնիկա-տրանսպորտային միջոցների երթևեկության բացառում ճանապարհներից ու արտադրական հրապարակներից դուրս,
- դիզելային շարժիչներով աշխատող լեռնատրանսպորտային սարքավորումների վրա զտիչների տեղադրում՝ արտանետումների նվազեցման նպատակով,
- արտադրական հրապարակում նավթամթերքների պահեստավորում և պահում հատուկ հատկացված տեղում,
- օգտագործված յուղերի ու քսայուղերի հավաքում առանձին տարաների մեջ՝ երկրորդական վերամշակման համար,
- հնամաշ դետալների ու մասերի հավաքում և հանձնում որպես մետաղական թափոն,
- կենցաղային կեղտաջրերի հեռացում բիոզուգարանի միջոցով, որը կտեղադրվի արտադրական հրապարակում,
- խախտված տարածքների վերականգնում/ռեկուլտիվացիա:

Մարտունու բազալտների հանքավայրում /1-A բլոկ/ խախտված տարածքների լեռնատեխնիկական և կենսաբանական վերականգնումներն իրականացվելու են շահագործական աշխատանքների ավարտից և պաշարները սպառելուց հետո: Լեռնատեխնիկական վերականգնման նպատակով օգտագործվելու է լցակույտում



մնացած՝ 3200մ³ մակաբացման ապարների ծավալը: Նշված ծավալը կտեղափոխվի 2151.5 և 2149.0մ, բարձրության հանքաստիճանների վրա, կփոփ 1.9մ միջին բարձրությամբ և կհարթեցվի: Լեռնային աշխատանքների ավարտից հետո կհարթեցվեն՝ բացահանքի հատակի՝ 31350մ², արտադրական հրապարակի և ավտոճանապարհների մակերեսները, կվերականգնվի և կհարթեցվի նաև նախկինում ձևավորված արտաքին լցակույտի մակերեսը: Ռեկուլտիվացիայի ենթակա տարածքը ընդհանուր կկազմի 49000 մ², իսկ լեռնատեխնիկական վերականգնման իրականացման ծախսերի խոշորացված նախահաշիվը գնահատվել է 1093.2 հազ. դրամ: Լեռնատեխնիկական վերականգնումից հետո նախատեսված է կենսաբանական վերականգնում, որի համար կօգտագործի N1 հողաբուսական շերտի լցակույտում պահեստավորված հողախառն ապարները: Ապարները փռելուց հետո կիրականացվի հիդրոցանք: Ընդհանուր՝ 4.9 հա մակերեսում կենսաբանական վերականգնման իրականացման ծախսերը գնահատվել են 980 000 դրամ, իսկ ռեկուլտիվացիոն ծախսերը ընդհանուր կկազմեն՝ $1093.2 + 980.0 = 2073.2$ հազ. դրամ:

Ընկերության կողմից, արդյունահանմանը զուգընթաց իրականացնելու է շրջակա միջավայրի վրա բացասական ազդեցությունների կանխարգելմանն ու մեղմմանն ուղղված մշտադիտարկումներ, որոնք ներառվել են բնապահպանական մշտադիտարկումների պլանում և որպես օբյեկտներ դիտարկվել են՝ մթնոլորտային օդը, հողային ծածկույթը, կենսաբանական միջավայրը: Մշտադիտարկումների իրականացման տարեկան ծախսերը կկազմեն 150.0 հազ ՀՀ դրամ:

ՇՄԱԳ-ում նախատեսվել են նաև միջոցառումներ, ուղղված աշխատանքային միջավայրում աշխատողների անվտանգությանը, արտակարգ իրավիճակների արձագանքմանը, հրդեհային անվտանգությանը, հնարավոր սոցիալական ազդեցությունների մեղմմանն ու կանխարգելմանը: Բոլոր միջոցառումներն իրենց գործողություններով ամփոփվել են բնապահպանական կառավարման և մոնիթորինգի պլաններում:

Եզրափակիչ մաս: Նախատեսվող գործունեության ՇՄԱԳ հաշվետվության փորձաքննությունն իրականացվել է <<Շրջակա միջավայրի վրա ազդեցության գնահատման և փորձաքննության մասին>> ՀՀ օրենքի պահանջներով: Գնահատման և փորձաքննության փուլերում գործունեության իրականացման վերաբերյալ Գեղարքունիքի մարզի Գեղիովիտ գյուղում անցկացվել են հանրային քննարկումներ /չորս քննարկում/, որոնց ընթացքում գործունեության իրականացումը մասնակիցների կողմից արժանացել է հավանության՝ կարևորվելով լրացուցիչ աշխատատեղերի ստեղծումը և համայնքում սոցիալական ծրագրերի իրականացումը:

Փորձաքննական գործընթացին մասնակցել են առողջապահության և արտակարգ իրավիճակների նախարարությունները, Գեղարքունիքի մարզպետարանը, տեղական ինքնակառավարման մարմինները, ՀՀ ԳԱԱ Սևանա լճի պահպանության փորձագիտական հանձնաժողովը, շրջակա միջավայրի նախարարության ստորաբաժանումներ և «Սևան» ազգային պարկ ՊՈԱԿ-ը, որոնց կողմից ներկայացված կարծիքները ևս հաշվի են առնվել փորձաքննության գործընթացում:



ՇՄԱԳ հաշվետվությունում ներկայացված բնապահպանական միջոցառումների և մոնիթորինգի գործողությունների իրականացման արդյունքում, գործունեության իրականացման ընթացքում աղտոտվածությունը օդային և ջրային ավազանների, հողային ռեսուրսների ինչպես նաև կենսաբազմազանության վրա կգտնվի թույլատրելի նորմերի սահմաններում:

Փորձաքննական պահանջներ

1. Հանքարդյունահանման աշխատանքների իրականացման ընթացքում անհրաժեշտ է առաջնորդվել ՀՀ կառավարության 22 փետրվարի 2018թվականի N 191-Ն որոշման պահանջներով, շրջակա միջավայրի բաղադրիչների /մթնոլորտային օդ, հողային ծածկույթ, կենսաբազմազանություն/ մշտադիտարկումների արդյունքների տարեկան հաշվետվությունը նշված որոշմամբ սահմանված ժամկետներում և ձևաչափով ներկայացնել լիազոր մարմին:

2. Հանքավայրի շահագործման ընթացքում աշխատողների անվտանգության և առողջության ապահովման համար անհրաժեշտ է առաջնորդվել ՀՀ աշխատանքային օրենսգրքի 23-րդ գլխի պահանջներով:

3. Գործունեության իրականացման ընթացքում անհրաժեշտ է ապահովել և պահպանել բնապահպանական կառավարման պլանում և մշտադիտարկման ծրագրում նախատեսված միջոցառումների իրականացումը և ժամանակացույցերը:

ԵԶՐԱԿԱՑՈՒԹՅՈՒՆ

«Մեր քարեր» ՍՊԸ ՍՊԸ ՍՊԸ կողմից ներկայացված Գեղարքունիքի մարզի Մարտունու բազալտների հանքավայրի /1-A բլոկ/ օգտակար հանածոյի արդյունահանման աշխատանքների շրջակա միջավայրի վրա ազդեցության գնահատման հաշվետվության վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Գլխ. մասնագետ՝



Հ. Մկրտչյան